



Inatsisartunut ilaasortaq
Kelly Berthelsen
Inuit Ataqatigiit

§ 37 naapertorlugu apeqquummik nr. 177-imik allakkatigut akisineq

Asasara Kelly Berthelsen

Qujanaq peqqinnissaqarfimmi kukkusumik nakorsaanerit pillugit apeqquteqaravit.

19-07-2017
Suliap nr. 2017 - 15386
Allakkat nr. 5802444

Postboks 1160
Oqa: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1. Kukkusumik katsorsakkat nakorsaasikkallu qassiuppat?

Pisut tamakkerlugit amerlassusaat nalunaarsorniarlugit nuna tamakkerlugu paasissutissanik katersuivimmik peqanngilaq, kisianni pisut peqqinninnissaat qulakkeerniarlugu ataasiakkaarlugit sumiiffinni ataasiakkaani suliarineqartarput. Taamaattumik kukkusumik nakorsartinnenerit kukkusumillu nakorsaatitortitsinerit ataatsimut amerlassusaat kisitsisinngorlugit pigineqanngillat.

2. Nappaateqalersimasut kingusinaartumik paasisat qassiuppat?

Kukkusumik nakorsartinnernut kukkusumillu nakorsaatitortitsinernut qitiusumik nalunaarsuiveqanngimmat taamaallaat pisut ilungersunartut qitiusumik allaffeqarfinni, soorlu Nunatsinni Nakorsaaneqarfimmi, nalunaarsorneqartarput.

3. Kukkunerit allallu naammagittaalliortarfimmut apuunneqartartut qassiuppat?

Naammagittaalliuutit marlunnut immikkoortinneqartarput. Sullissineq, assersuutigalugu pissusilersoneq utaqqinerullu sivilissusaa assigisaallu, pillugu naammagittaalliuutit. Taamaattut Peqqinnissaqarfimmit isumagineqartarput taamaattumillu naammagittaalliortarfimmit isumagineqartarpat. Peqqinnissamik sullissinermi kukkussutit pillugit naammagittaalliuutit Nunatsinni Nakorsaaneqarfimmit isumagineqartarput. Nunatsinni Nakorsaaneqarfiup peqqinnissamik sullissinermi naammagittaalliuutit misissuiffiginissaat suliassaraa. Nunatsinni Nakorsaaneqarfik oqaaseqaatinik journalinillu pissarsisarpoq kiisalu suliata ataatsimut allattarlugit suliallu Danmarkimi Napparsimasut Isumannaassusaannut Aqutsisoqarfimmut (Styrelsen for

Patientsikkerhed siusinnerusukkut napparsimasut sullinneqarneranni naammagittaalliuuteqartarfik) nassiunneqannginneranni inassuteqaasiortarluni. Nunatsinni Nakorsaaneqarfiup nunatsinni pissutsit atugassarititaasullu suliamut ataasiakkaamut pingaaruteqartut aqutsisoqarfiullu ilisimasaqarfigunangisaasa allaatiginissaat pingaartittarpaa. Ukiuni qulingiluani kingullerni naammagittaalliuutit amerlassusaat 40 procentit missaanni amerleriarsimapput.

Piffissami 2013-2017 naammagittaalliuutit amerlassusaat Nunatsinni Nakorsaaneqarfiup tigusimasai isumagisimasaalu ataani takuneqarsinnaapput:

2012, naammagittaalliuutit 76-it

2013, naammagittaalliuutit 70-it

2014, naammagittaalliuutit 100-t

2015, naammagittaalliuutit 82-it

2016, naammagittaalliuutit 88-it

4. Naammagittaalliuutit qassit eqqortuusutut ilalernerqartarpat?

Piffissami 2012-2016 suliat 316 Napparsimasut Isumannaassusaannut Aqutsisoqarfimmit (Styrelsen for Patientsikkerhed siusinnerusukkut napparsimasut sullinneqarneranni naammagittaalliuuteqartarfimmit) aalajangiiffigineqarput. Suliani 74-ini (23%) peqqinnissaqarfimmi sulisoq ataaseq arlallilluunniit isornartorsiuisoqarput.

5. Kukkunerillu qassit naammagittaalliortarfimmut nalunaarutigineqanngitsoortarpat?

Kukkunerit, naammagittaalliortarfimmut nalunaarutigineqanngitsut, qitiusumik nalunaarsorneqarneq ajorput.

6. Kukkunerujunnartut paatsooqatigiinnerlu pinngitsoorniarlugit aalajangersimasunik iliuseqartoqartarpa / iliuseeqartoqassava?

Siunertaanngitsumik pisunik aaqqissuussaasumik misissuisoqartalertuuppat kukkusumik nakorsartinnerit kukkusumillu nakorsaattortitsinerit siunissami ersersinneqarluarsinnaanerulissapput.

Nunatsinni Nakorsaaneqarfiup napparsimasut isumannaassusaat ukkatariniarlugu 2016-imi aasakkut napparsimmavinnik, immikkoortortaqarfinnik peqqissaavinnillu nakkutilliinermi najoqqutassat arlallit ineriartortippai.

Najoqqutassani assersuutigalugu nakorsaatnik isumaginnineq,
nakorsaangitsunit misissuinerit, inunnik qimarngutitsinerit, journalilersuineq,
eqqiluisaarneq siunertarinngisamillu pisut pillugit piumasaqaateqarpoq.
Najoqqutassiat 2016-imi oktobarimi aqutsisut isumasioqatigiinneranni
Peqqinnissaqarfimmut Naalackersuisoqarfimmullu saqqummiunneqarput.
Najoqqutassiat Nunatsinni Nakorsaaneqarfiup nakkutilliiartunnginnerani
suliffeqarfinnut nassiunneqartarput.

Nunatsinni Nakorsaaneqarfiup 2016-imi ukiakkut 2017-imilu upernaakkut
peqqissaaviit pingasut pulaarpai najoqqutassiallu qulaani eqqaaneqartut
tunngavigalugit nalilerlugu napparsimasut isumannaassusaat ajunngikannersoq.
Taakkunanani siunertarinngisamik pisut aaqqissuussaasumik pillugit
paasissutissanik katersuisoqarnanilu misissueqqissaartoqanngilaq.

Neriuppunga tamanna apeqqutigineqartunik akisisoq.

Inussiarnersumik inuulluaqqusillunga


Agathe Fontain